

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauhokbanj: CN45-0036

B.2022

Nd.7 Ng.6

Liggaeuq nvaemzvinz nienz ndwenroek cobet

Geizsoq: Gungh daih 3531 geiz

Gvangjsih Minzcuz Dayoz Guh Aen Hoih Angqhoh Laeb Hagdangz 70 Hopbi

广西民族大学举行庆祝建校 70 周年大会

7 nyied 3 hauh, Gvangjsih Minzcuz Dayoz guh Aen Hoih Angqhoh Laeb Hagdangz 70 Hopbi. Swcigh Dangjvej suhgi, Swcigh Yinzda Cangzvejvei cujyin Liuz Ningz camgya aen hoih caemhcaiq gangjavah. Swcigh Dangjvej fusuhgi, swcigh cujsiz Lanz Denhliz daengj camgya aen hoih.

Liuz Ningz daiyauj Swcigh Dangjvej, Cwngfuj cukhoh daengxcungq lauxsae hagseng Gvangjsih Minzcuz Dayoz caeuq gyoengq yauyouj ndawguk rogguek, caensim gyo' mbaiq Guekgya Minzvej, hagdangz ndawguk rogguek caeuq vunz gak hangz gak nieb ciengzgeiz doxdaej gvansim haeujcoengh Gvangjsih hwnghat haenx. Liuz Ningz naeuz, Cibbet Daih Dangj doxdaej, Dangicunghyangh aeu Siz Ginbingz dungzci guh vaedsim haenx yawjnaek hong gyauyuz, guh baenzroix baijbouh hungnaek banh ndei gij gyauyuz hawj beksingq habhoz, gyavaiq hwnqguh aen guek ak gyauyuz, Siz Ginbingz cungjsuhgi giengzdiuh bak bi daihgeiq, gyauyuz guh daeuz. Gyauyuz dwg daihgeiq guek, daihgeiq dangj. Caemhcaiq guh cijsi youqgaenj minzcuz gaudaengj gyauyuz lai baez gvaq, daezok gij iugouz mingzbeq "gyalaeg minzcuz doxgiet cinbu gyauyuz, cukmaenh gij eijsik caez-caemh Cunghvaz Minzcuz". Gvangjsih Minzcuz Dayoz youq mwh Cungguek moq yienghyiengh yaek guh de laebbaenz, youq mwh hwnqguh sevei cujyi gwzming caeuq hengzguh gaij-

gwz hailangh de hwnghat hwnjdaej, youq gwnz roen moq gietsim comz rengz cauhlaeb aen Gvangjsih Gyaeunde sevei cujyi miz daegsaek Cungguek seizdaih moq de haenqguh, seizneix gaenq haeuj daengz duenh moq hwnghat youh ndei youh vaiq aeu "bu gih hab guh" guh geiqhauh, aeu hwnqguh aen dayoz suibingz sang daegsaek ronghsien guh moegbiu haenx. Raeuz aeu gyalag roxyiuj gij yiyei gietdingh "song aen dinghlaeb", itdingh guh daengz "song aen henhoh", haeujlaeg gvancez doeksaed gij lwnghangj youqgaenj baenzroix

mizgven gaudaengj gyauyuz Siz Ginbingz cungjsuhgi, cienzmienh gvancez doeksaed gij cingsaenz gangjavah youqgaenj "4·27" Siz Ginbingz cungjsuhgi cazyawj Gvangjsih caeuq gij iugouz cijsi youqgaenj baenzroix naeuz hong Gvangjsih, aeu laeb hagdangz 70 hopbi guh giz haidin moq, dingjmaenh sevei cujyi banhhag fuengyiengq, roengzrengz dajcauh aen dieg minzcuz gyauyuz dangj daiqlingx, doeksaed aen gaenbonj yinvu ganq vunz roxsoq, gungganq boux vunzmoq seizdaih rap ndaej mbaqrap fukhwng minzcuz, geiqmaenh sawjmingh sim-

nduj, vih cukmaenh gij eijsik caez-caemh Cunghvaz Minzcuz guh'ok cozyung youqgaenj, daezswng naengzlig cauhmoq, bangrengz Gvangjsih ginghci sevei hwnghat youh ndei youh vaiq engq lai bae, daiqlingx Gvangjsih minzcuz gaudaengj gyauyuz saehnieb caiq hwnj mbaeklae moq, gietsim comz rengz cauhlaeb aen Gvangjsih gyaeunde sevei cujyi miz daegsaek Cungguek seizdaih moq, yungh hengzdoengh saedsaeh ciepcoux Ngeihcib Daih Dangj hai ndaej baenz.

(Cinz Yizcwz)



7 nyied 2 hauh daengz 3 hauh, Gvangjsih Minzcuz Dayoz guh hozdung angqhoh laeb hagdangz 70 hopbi. Ndaw doz dwg 2 hauh banhaemh guh vwnzyi vanjvei biujyenj 《Vih Fukhwng Minzcuz Bae Doegsaw》.

(Vangz Yinz Cangh Hungzliuj ingj)

Beixnuengx Yanghgangj Youq Hocouh Angqhoh Yanghgangj Gvidauq 25 Hopbi

在贺香港同胞庆祝香港回归 25 周年

7 nyied 1 hauh, beixnuengx Yanghgangj youq Hocouh youq Cunghsanh Yen Hungzvah Funghgyangh Swnghdaiyenz caeuq vunzlai dangdieg doxcomz giz ndeu, guh hozdung haenx aencingz dangj, lwnh cingzgeih, naeuz hwnghat, ciengq go diuq foux angqhoh laeb dangj 101 hopbi caeuq Yanghgangj gvidauq 25 hopbi.

Mwh hozdung, aen doih foux saeceij bouxcou Hungzvah Cin biujyenj 《Saeceij Diuq Foux Haenx Biengz Hoengh》, Hungzvah Cin Baujloz Youwzyenz biujyenj lwgnyez diuq foux 《Nyezrauh Cungguek》, aen duenz caijdiu Mwzlingj Cunh biujyenj 《Liuz Sanhcej》 daengj cezmuzei ndei yawj, hawj bouxyawj

yienhciegz dopfwngz haenx ndei. Beixnuengx Yanghgangj youq Hocouh caeuq vunzlai gak cuz Cunghsanh habciengq 《Gou Gyaez Mwngz Cungguek》《Naedcaw Baihdoeng》 hawj hozdung yienhciegz gyalai nauhyied.

Gouj bi gaxgonq, Hungzvah Funghgyangh Swnghdaiyenz dieg youq Hungzvah Cin Mwzlingj Cunh lij dwg gaiq dieg fwz ndeu, seizneix gaenq bienqbaenz aen dieg lijyouz lajmbanj seiq singgaep Gvangjsih comz yawj gingjsaek, youqndwi gvaq ngoenzgyaj, youzraemx, gai gaiqgwn guh'angq, lienhdang ciengxdang youq itheij. "Daengz Cunghsanh Yen cauhnieb yaek gouj bi lo, dou caeuq

vunzlai dangdieg cingzgeih ndei dangqmaz, gizneix couhdwg aen mbanjranz daihngieih dou, mboujlwnh bungz daengz hojnanz geijlai lai, dou cungj miz saenqsim bae gaijgez de. "Boux giyezgyah mbwk Yanghgangj, Cunghsanh Yen Veilungz Nungzyez Fazcanj Youjhan GunghswH Hungzvah Funghgyangh Swnghdaiyenz cungginghlij Vei Sienghbingz naeuz, de yaek daiq engq lai boux giyezgyah Yanghgangj daengz Cunghsanh Yen roengzgoek, guh hung guh ak "vwnzlij+nungzlij" canjnieb, hawj engq lai vunz dangdieg ndaej gwn duix haeux lijyouz, byaij hwnj diuz roen baenzmiz.

(Liu Cauhvwnz Mingz Mingz)